

**Uunga siunnersuut: Namminersorlutik Oqartussat Kalaallit Nunaani
filmilorsinnaanermut akuersissuteqarneq pillugu nalunaarutaat**

Filmiliortarneq pillugu Inatsisartut inatsisaat nr. 65 6. december 2024-meersumi § 30, imm. 2, § 31, imm. 3, aamma § 34, imm. 2, naapertorlugit aalajangersarneqarpoq:

Atuuffia nassuiaatillu

§ 1. Nalunaarut nunani allamiut filmiliortartunut, Kalaallit Nunaani aningaasarsiutigalugu filmiliorusuttunut atuutsinneqarpoq.

Imm. 2. Matumani nalunaarummi suliaq naammassiniarneqarnerani aningaasaqarnikkut sinneqartoornissaq anguniarneqarpat, taava aningaasarsiutigalugu filmiliornerut isigineqassaaq.

Imm. 3. Najukkami sulisut atorfeqartinneqartut tassaapput Kalaallit Nunaani najugallit. Nunanit allanit sulisut atorfeqartinneqartut tassaapput Kalaallit Nunaani najugaqanngitsut.

Kalaallit Nunaani filmilorsinnaanermut akuerineqarnissaq pillugu qinnuteqaat

§ 2. Kalaallit Nunaani aningaasarsiutigalugu filmilorsinnaanermut akuersissummik (filmilorsinnaanermut akuersissut) qinnuteqaat Kalaallit Nunaanni Filminstitutimut nassiunneqassaaq, instituttip qinnuteqarnissamut immersuiffissaa atorlugu.

Imm. 2. Kalaallit Nunaanni Filminstitutip qinnuteqaat qarasaasiakkut nassiunneqarnissaa piumasaqaatigisinnaavaa.

§ 3. Qinnuteqaat paasissutissanik makkuninnga imaqassaaq:

- 1) Qulequtaq imaluunniit filmiliornermi suliniutaasup qulequtaa.
- 2) Filmiliornermi pilersaarusiortugu suliniutip suussusaa, immikkoortiterneqassappullu ima: filminik aliikkutassiat, naatsut- aamma piviusulersaarusiort, ussasaarutit kiisalu “filmiliornermi pilersaarusiortugit suliniutit allat”.
- 3) Pilersitsiniarluni qinnuteqartup aqqa, najugaa aamma attaveqarfissatut paasissutissai (oqarasuaatip normua taavalu e-mail).
- 4) Pilersitsiniartup piginnittuunermut tunuliaqutai.
- 5) Pilersitsiniartup kinaassutsimik normua, assersuutigalugu akiitsuutsinut nalunaarsuineri normu (VATidentification-imut normu) assigisaaluunniit.
- 6) Ingerlatsisup aqqa, qulequtaa attaveqarfissatullu paasissutissai (oqarasuaatip normua taavalu e-mail) pilersitsiniap qinnuteqartuusup filmiliornermi pilersaarusiortugu suliniummut akisussaasup assinganik.
- 7) Filmiliornermi pilersaarusiortugu suliniuteqarluni Kalaallit Nunaaniinnissami ullut pilersaarutigineqartut, matumani ilanngullugit Kalaallit Nunaani sumiiffissat sumilu filmiliorortoqarnissaa naatsorsuutigineqarnerisq.

8) Filmiliornermi pilersaaruserlugit suliniunmut missingersuusiaq, pilersitsiniarnermut suleqatigiit annertussusaat ilisimasallillu peqataasut amerlassusaat suussutsinut makkununga immikkoortinneqarneri paasissutigineqarnerilu:

a) Najukkami tamatumunngalu nunanit allanit sulisut.

b) Sulisut suussusaat: Atuuffiit A-t (ingerlatsisoq, ilitsersuisoq, assiliisoq, atuakkiortoq) isiginnaartitsisartut, sulisut teknikkilerisut, allaffissornikkut sulisut, allat.

9) Kalaallit Nunaani oqartussanit akuersissutit, qinnuteqaatigineqarsimasut nalunaarutigineqarsimasullu.

10) Inatsisitigut pisussaaffiit malillugit sillimmasertussaatitaanerit akisussaasutullu sillimmasiinerit, imaluunniit pilersitsiniartup Kalaallit Nunaani sulinerminni allat (inuit pigisallu) ajoqusersimatillugit akisussaasutut aningaasartuutit matussuserniarlugit allatigut isumannaallisaaneq.

11) Filmiliornermi missingersuutit saqqummiunneqarnerani nipangiussimasussaatitaanerannut qinnuteqarsinnaaneq.

Imm. 2. Qinnuteqaammuk ukununga uppersaasatit ilanngunneqassapput:

1) nalunaarutigineqartut imaluunniit oqartussanit akuersissutit qinnuteqaatigineqarsimasut, aamma

2) inatsisitigut pisussaaffiusumik sillimmasertussaatitaanerit akisussaasutullu sillimmasiinerit, imaluunniit pilersitsiniartup Kalaallit Nunaani sulinerminni allat (inuit pigisallu) ajoqusersimatillugit akisussaasutut aningaasartuutit matussuserniarlugit allatigut isumannaallisaaneq.

§ 4. Qinnuteqaatip tunniunneranut atatillugu tunisassiorfik ingerlatseqatigiiffik qinnuteqartuusoq qinnuteqarnermut akiliutit 5.000 koruunit akilissavai.

Imm. 2. Imm. 1 malillugu qinnuteqarnermut akiliut tiguineqaqqaartinnagu qinnuteqaatit suliarineqarsinnaanngillat.

Imm. 3. Qinnuteqaammik akuersinnginneq akiliummut utertitsinermik kinguneqassanngilaq.

§ 5. Kalaallit Nunaanni Filminstitutimit aalajangersarneqartumit filmiliorinnaanermut akuersissummik qinnuteqarneq piffissaliussaag qaangertinnagu tunniunneqassaaq.

Imm. 2. Qinnuteqarsinnaanermut piffissaliussaag qaangiutereersoq qinnuteqaat tunniunneqarsimappat, qinnuteqaat itigartinneqassaaq.

Akuersissutitaarnissamut piumasaqaatit

§ 6. Qinnuteqaatip akuerineqarnissanut piumasaqaatigineqarpoq, pilersitsiniartup

1) paasissutissat pisussaaffigisani nalunaarutigissagai, tak. § 3,

2) Kalaallit Nunaanut pinnginnermini najuinissamut, sulinissamut, angallannissamut

ingerlatsinissamullu tunngatillugu oqartussanit akuersissutit pisariaqartinneqartut pigissagai,

3) Kalaallit Nunaanut pinnginnermini inatsisitigut pisussaaffiusumik sillimmasertussaanera akisussaasutullu sillimmaeqarnera, imaluunniit pilersitsiniartup Kalaallit Nunaani

sulinerminni allat (inuit pigisallu) ajoqusersimatillugit akisussaasutut aningaasartuutit matussuserniarlugit allatigut isumannaallisaaneq qulakkiissagai,
4) siusinnerusukkut Filmiliortarneq pillugu Inatsisartut inatsisaanni malittarisassat imaluunniit Inatsisartut inatsisaanni tunngavigineqartut pillugit unioqqutitsinikkut eqqartuunneqarsimannginnissaa, aamma
5) Kalaallit Nunaani pisortanut akiitsoqannginnissaq, tassunga ilanngullugu akileraarutitut akiliinngitsoornerit.

Paasissutissanik pingaarnernik nalunaarsuineq

§ 7. Kalaallit Nunaanni Filminstitutip filmiliorsinnaanermut akuersissummut qinnuteqaatinik suliaqarnerminut atatillugu paasissutissat tulliuttut nalunaarsussavai:

- 1) Filmip suussusaa, filminik aliikkutassanut, piviusulersaarutitut ussasaarutinulluunniit immikkoortiterneqassaaq.
- 2) Pilersitsisup nunagisaa.
- 3) Ingerlatsisup nunagisaa.
- 4) Filmiliornermut ataatsimut missingersuutit.
- 5) Ilisimasallit peqataassut ullut sulisimanerisa amerlassusaat immikkoortiternerilu
 - a) najukkami tamatumunngalu nunanit allanit sulisut,
 - b) sulisut suussusaat: Atuuffiit A-t (ingerlatsisoq, ilitersuisoq, assiliisoq, atuakkiortoq) isiginnaartitsisartut, sulisut teknikkilerisut, allaffissornikkut sulisut, allat.

Tamanut ammasumik saqqummiussineq

§ 8. Kalaallit Nunaanni Filminstitutip nittartakkamini kalaallisut, qallunaatut tuluttullu saqqummiutissavai:

- 1) Qinnuteqarnissamut piffissaliussat.
- 2) Paasissutissat filmiliorsinnaanermut akuersissutit nalunaarutigineqartut paasissutissallu pingaarnert tak. § 7.

Imm. 2. Qinnuteqartup filmiliornermut missingersuutit saqqummiunneqartussanngorneranut atatillugu nipangiussimasussaaitaaneq piumasarippagu, taava matumani paasissutissat saqqummiunneqassanngillat.

Pineqaatissiinerit

§ 9. Qinnuteqartoq, qinnuteqaammi paasissutissanik pisussaaffigisamini eqqunngitsunik tunniussisimaguni, tak. § 3, Kalaallit Nunaanni Pinerluttulerineq pillugu inatsimmi malittarisassat malillugit akiligassinneqarneratigut pineqaatissinneqarsinnaavoq.

Atuutilersitsineq

§ 10. Nalunaarut ulloq 1. aprili 2026 atuutilissaaq aamma 1. juuli 2026-ip kingorna filmiliornermut atuutissaaq.

Namminersorlutik Oqartussat, ulloq xx.xx 2026

Nivi Olsen

Ilinniartitaanermut, Kultureqarnermut, Timersornermut Ilageeqarnermullu Naalakkersuisoq

/Nuka Kleemann